



陝西通志



第十七卷

關梁二

DS  
793  
S45S5  
1735  
V.17







陝西通志第十七卷

關梁二

興安州

歸安鎮 在州北五里即今香獐壩州冊周顯德五年李玉至長安或

言蜀歸安鎮在長安南三百餘里可襲取也玉信之蜀兵據險要

之敗沒

通鑑胡注

歸安鎮在乾祐縣南一百二十里

宋敏求長安志

附縣境古關隘

東津關即老君關在州東四里漢江北○盤河關在州西

南三百里通四川界今廢○構坪關在州西南四百里通四川界

今廢○寺溪關在州西南四百里通四川界今廢○西津關在州

西四里漢江南○鐵嶺關即越嶺關在州西九十里州冊橫亘巨川

與天馬對峙古所謂鐵嶺關也州志迤西為越嶺翠峯萬山中脊

高路狹東接荆鄖南通蜀道西連興漢明崇禎初關南道蕭丁泰



扼險爲守建關門一敵樓二左右築墩臺貯砲石弓弩於上

洪如鐘修

關記○木竹礮關在州北一百三十里接鎮安界險峻○白馬關在

州東北三十里古墓嶺○爛柴關在州東北七十里通鎮安商州

州志○輿地紀勝州有龍回關今無攷舊志○水寨在舊州城南漢江

北州志後唐清泰初蜀將全師郁冠金州拔水寨防禦馬全節拒却

之元和志漢水去金州城百步故唐置水寨以備蜀通鑑○吉挹

壘在州西南九里魏山上三面陡絕北通一道即吉挹城州志晉太

和三年秦梁州刺史韋鐘圍魏興太守吉挹於西城杜佑曰金州

西城縣南九里吉挹於峻山築壘今其山曰魏山通鑑○烏溝堡

在州北三百里燕子嶺接鎮安界道途險遠昔設戍守今廢○秦

郊鎮在州西三十里州志距郡城二十里路坦夷宋史王彥傳○衡口鎮

在州西七十五里蓋衡水合月河之口即今之恒口鋪州冊西城縣



有衡口鎮九域志

仁壽橋 在州東門外州志康熙三十二年漢水暴漲薄郡城橋壞知

州王希舜議先甃隄岸次築池橋以障之命郡幕魯仁採率里老

鳩工築仁壽橋易木以石甃寬可並車方軌劉應秋修橋記

喬遷橋 在新城東門外跨陳家溝水州志

靜寧橋 在東關南街州志

長春橋 在州東一里長春堤上州志

甄橋 在州東五里州志

向明橋 在州南門外州志

安康橋 在州故城南一百步本安康郡之名賈州志南門曰安康由

平利達蜀楚舊築土橋成化甲辰濠水衝決郡守鄭福壘石爲六

洞旁障以木圍砌以甄因門以名之有記魯得之修橋記萬曆十一年大



水壞三十二年守道李天麟重建改名會源橋以陳家溝水與施

家溝水會流故名

馬志

木竹橋

在州南五里通平利大路郡方伯劉卿建

州志

遇仙橋

在州城南七里香溪洞澗水上相傳知州鄭福遇仙人對

奕處

州志

安堵橋

在新西門外跨施家溝水

州志○按萬曆十二年移築新城門四東喬遷南阜民西安堵

北拱辰四面有池池各有橋順治四年復修舊城門四東仁壽南向明西康阜北拱辰各有橋後壞修木橋惟南石橋如故蓋諸橋各因城門而名也

康阜橋

在州西門外順治十七年知州王章建木橋康熙三十二

年大水橋壞總鎮萬永祺命中軍遊擊胡愷重建甃以石

州志

虹橋

跨城西壕康熙三十二年總鎮萬永祺建

州志

萬春橋

在州西四里萬春堤

州志



義橋 在州西三十里秦郊鎮西明成化間里人募修壞於永康

三十三年生員羅尚綸重建州志一名通濟橋舊志

拱辰橋 在新城北門外跨陳家溝水州志

神灘渡 在州東四十五里漢江上官船一隻州志

附州境元白橋 在州東五里今廢○流水渡 在州西南九十里漢

江上官船一隻今廢○西津渡 在州西三里漢江上官船二隻今

廢○中津渡 在州城東北隅漢江上官船二隻今廢○石梯渡 在

州東三十里江濱石崖連亘渡處鑿為磴如梯故名官船二隻今

廢○杜家壩渡 在州西南九十里○恒口渡 在州西七十里恒河

上○越河渡 在州西八里越河上○黃洋渡 在州東三十里黃洋

河上今俱廢州志

平利縣



白土關 在縣東一百五十里擂鼓臺山南北亘峙關當其脊縣外

接楚地有分防把總漢中府志建炎四年桑仲乘勢西寇直搗金州白

土關彥擊敗之宋史王彥傳

鄭關 在縣東南一百五十里與湖北竹谿縣交界縣志漢水又東逕

鄭鄉縣故城南即長利縣之鄭鄉地理志鄭有關李奇以為鄭子

國水經注

狗脊關 在縣西五十里狗脊嶺交興安州界縣志

八里岡營 在縣東六十里白土路駐劄縣志

連線寨 在縣東一百五十里三面壁立盤曲至巔十五里與洵陽

縣分界下有連線洞高八尺濶一丈賈志

紅軍寨 在縣東南六十里縣志

藥婦寨 在縣東南八十里縣志



碧天寨 在縣東南一百二十里極險峻縣志

秋河汛 在縣東南一百八十里南通蜀地今設塘汛盤查縣志

金雞寨 在縣東南二百里自金毛關平地突起一山高百丈周環

有水明正德間勦流寇常屯兵於此賈志

九龍寨 在縣南六百里山連八里岡俗呼爲蠻王寨舊址猶存寨

後三里有九龍洞因名賈志

香子寨 在縣西南七十里縣志

鳳山塘 在縣西四十里舊有稅課司署址猶存今設塘盤查縣志

附縣境武陵關在縣東南二百七十里○源溪關在縣東南五百

里接四川大寧界○小關子關在縣南五十里地連鎮坪爲秦蜀

楚之交○金毛關在縣南二百里○文材關在縣南四百五十里

峭壁百仞梯徑險絕○天救寨在縣東南一百五十里極險峻舊志



越河橋 在縣西門外壕上弔橋以越水由此入於灌溪故名縣志

附縣境木瓜溝橋在縣西十里跨灌溪河上今廢縣志

洵陽縣

琵琶關 縣南六十里縣志

七里關 在縣南一百五十里接竹山界為秦楚要衝以銅錢關孤

山難守移鎮於七里溝關名因之今有守備營縣志

附縣境閭關在縣東一百四十里明置巡檢司今裁壤堞尚存即

隋黃土縣故城○旬關在縣南洵水上縣志酈商別將攻旬關西定

漢中師古曰漢中旬水上之關也今在洵陽縣史記高帝本紀南陽西通

鄖關正義曰宛西無鄖關蓋鄖當為狗狗水上有關在金州洵陽

縣是也狗亦作郇與鄖相似也貨殖傳注南蔽夔陝西接梁洋為控扼

之地地理通釋秦惠文王始置西城縣於洵水上置關曰洵關州志○兩



河關在縣西北一百四十里東接蜀河西接乾祐河北通鎮安縣

明置三岔巡司於此縣志○鶻嶺關在縣東北二百五十里鶻嶺上

與秦嶺相連地極險要縣志宋紹興和議成於鶻嶺置關為界南屬

宋北屬金州志○九矯關○圍棋關俱在縣境輿地紀勝○大夫

營在縣東一百五十里明初御史大夫鄧愈曾屯兵於此故名○

興平砦在縣南四十里四面斗拔高處極寬平可容千人上有水

泉昔人嘗避兵於此○構皮寨在縣南一百里○黑山寨在縣西

四十里昔人避兵處○羊山寨在縣北五十里險絕可以屯兵縣志

○星辰砦在縣北一百二十里俗傳張飛嘗屯兵於此賈志今俱廢

○木蘭寨在縣城東北隅今為洵水衝崩無存縣冊○按賈志云

漢水又東經木蘭寨南右岸有城名陵城周迴數里左岸壘石數

十行重叠數十里中謂之木蘭寨水經注伎陵城在金州洵陽縣庾



仲雍漢水記即木蘭寨蜀軍救孟達之所通鑑胡注

大嶺橋 在縣北六十里大嶺舖縣志

香亭舖橋 在縣西五十里縣志

廣濟橋 在縣東半里縣志

華灘橋 在縣東四十里縣志

竹根灘渡 在縣北一里縣志漢江上官渡船一隻縣志水中有孤石挺

出其下澄潭時有此石根如竹根而黃色水經注

縣西渡 在縣西三里縣志漢江上官渡船四隻漢水泛溢過渡甚難

縣志

縣南渡 在縣南百步許漢江上官渡船三隻縣志

閭河渡 在縣西三十里閭河上官渡船一隻縣志

兩河渡 在縣北一百三十里兩河舖官渡船一隻縣志



洵河口渡 在縣東一百二十步官渡船二隻縣志

蜀河渡 在縣東一百三十五里蜀河上縣志官渡船一隻各渡有水

夫今荒除縣志

附縣境 縣北渡在縣北十五里草坪鋪砂漲水涸渡船久廢縣志

白河縣

長老寨 在縣西二十里山極高峻人跡罕到縣志

萬全寨 在縣西二十五里縣志

附縣境 白崖寨在縣南二十里舊志○淨避寨在縣南一百里白石

古隘 河內昔人嘗避亂於此今荒廢○蠻王寨在縣南一百里厚子河

內又名東壩竹山交界處○興隆寨在縣西七十里冷水河岸縣志

○隱身寨在縣西南九十里○華皮寨在縣西五十里○栢木寨

在縣北六十里○甲口鎮在縣東北甲水入漢之口舊志



長春橋

在縣北一里許跨長春澗上

縣志

臨江橋

在縣北一里跨長春溝之尾臨漢江

賈志

即感化橋

縣志

觀瀾橋

在縣北一里跨凉水泉左舊有望江樓今廢

縣志

邀月橋

在縣北一里跨凉水泉右

縣志

天然橋

在縣西三十里懸崖夾峙架石爲橋出自天成故名

縣志

藍灘渡

在縣西一百里漢江上船一隻水夫二名

縣志

吳家渡

在縣西九十里漢江上

賈志

月潭渡

在縣西五十里漢江上

賈志

白石灘渡

在縣北三里漢江上船一隻水夫二名

縣志

漢江渡

在縣北二里漢江上

賈志

白石水渡

縣東一里白石水上

賈志

附縣境古橋

清風橋在縣東一里跨清風澗上今廢

縣志

○漢陽橋在縣



東二里○迎仙橋在縣東南二里○通漢橋在縣西五十五里

舊志

### 紫陽縣

雙河關

在縣南微東一百二十里

縣志

汝洞二河內接四川太平縣

界有防兵

縣志

毛壩關

在縣西南一百二十里任河內接西鄉及四川太平縣界

有防兵

縣志

乾寧四年許存爲荆南節度使成洵所襲屯於茅壩

通鑑

二州埡

在縣西南一百六十里任河內四川界明正德間分蜀達

州爲太平縣分秦金州爲紫陽縣於二州埡設戍守今有防兵

縣志

斷崖絕壁雄峙一方

舊志

附縣境古隘

板廠山寨在縣東南七十里板廠山順治六年孫守金嘯

聚洞河板廠山寨負固十年始勦平之

縣志

○高峰寨在縣南一百

里三尖山明嘉靖間巨寇李三據洞河高峰寨立數十營副使孫



銓拒戰擒斬之

魏學曾三河平賊記

○土門堦在縣西南六十五里兩山夾

峙叢林懸崖儼若巨關在灌河內○城牆嶺寨在縣西南一百二

十里紫漢兩縣界峰巒蜿蜒昔人沿山嶺築城以禦寇長亘三十

餘里○七寶山寨在縣西南六十里七峰如連環縣志○十女寨在

一縣西十五里峰頂寬平可以屯札相傳昔有十女避兵於此有警

一可據為保守蓋縣境設險處舊縣志○馬家營在縣西微北九十里

縣志與漢陰縣接界相傳漢高祖曾屯兵處舊有鎮店今廢縣志

通濟橋 在縣南一百八十里目連洞下水聲如雷峭壁夾峙數仞

林壑幽深縣志

聳翠橋 在縣城外東北隅城隍廟西典史李開大倡建縣志

新橋 在縣東北一里縣志舊縣址跨溝南北知縣張麟化倡建縣志

馬家營渡 在縣西北一百二十里漢江上交漢陰界縣志



石壁灘渡 在縣西五十里冊縣志當任河水口縣志

松河口渡 在縣西北三十里小松河入漢處縣志

大力灘渡 在縣西八里漢水上西岸夾石左右有兩石嘴最為舟

楫患縣志

雙水渡 在縣西四里縣志

西渡 在縣西南二里冊縣志任河口通西鄉太平縣志

中渡 在縣南一里漢水上縣志

下渡 在縣東南三里漢水上冊縣志

中沙渡 在縣東十五里漢江中沙壩上縣志

汝河口渡 在縣東南三十里汝河入漢處縣志

附縣境巽橋在縣東二里久廢冊縣志

石泉縣



馬嶺關

在縣東三十里當馬嶺路因名

縣志今馬嶺鋪縣志

土門關

在縣西七十里

縣志在饒風嶺上十里

縣志

附縣境古關隘

熨斗關在縣南一百里

縣志○饒風關在縣西六十里饒風

一嶺中分石泉西鄉兩縣界

縣志

宋紹興三年撒離喝取金州趨梁漢

興元守臣劉子羽命田晟守饒風關吳玠馳至大戰饒風嶺

宋史吳玠

傳金人攻饒風關政從吳玠戰關下敗之

楊政傳

洋有子午駱谷饒

風關為蜀門戶

地理通釋

當入洋險要明設巡檢司今裁○祖溪關在

饒風嶺北四十里

縣志

宋紹興三年吳玠小校奔金道以祖溪關間

路出關背乘高以闕饒風諸軍不支遂潰

宋史吳玠傳

○三台寨在縣

東一百里三台山

縣志

○香子寨在縣西三十里

舊志

紅河橋

在縣東一里跨紅河上

賈志

池水橋

在縣東五十里跨池水上

賈志



珍珠水橋 在縣西二里跨珍珠水上賈志

大壩橋 在縣西十五里跨大壩水上賈志

峰橋 在縣西四十八里賈志

左溪渡 在縣西南四十五里左溪河入漢處官渡賈志

漢江渡 在縣南五十步漢水上官渡賈志

池河渡 在縣東四十里池河入漢處官渡賈志

漢陰縣

老君關 在縣南八十里縣志

附縣境古關隘方山關在縣西三十二里北阻方山南臨漢水當東西驛

路漢陰縣西有方山關貞觀十二年置唐書地理志紹興二年金

人攻方山原統制楊政援之金引去宋史高宗本紀○教場壩關在縣西

北二百三十里縣志○銅錢窖關在縣北一百五十里舊志○雙峰砦



縣東南十三里。鐵溪砦在縣東南十五里。興隆砦在縣東南二十五里。磐石砦在縣東南五十里。永豐砦在縣南七里。汪家砦在縣南四十里。高粱砦在縣西南三十里。觀音砦在縣西北十里。柳林砦在縣西北三十里。鐘河砦在縣西北五十里。王家砦在縣西北七十里。孤山砦在縣北三十里。雞公嘴砦在縣北六十里。雙乳山堡在縣東六十里。雙乳山。分水嶺堡在縣西三十里。分水嶺又烟墩二十五處。正德六年總督彭澤命於山之高阜處立墩舉火以備不虞。縣志

善人橋

在縣東三十里紅崖前二里

縣志

初道逼仄不可行有斷溪

不可度萬曆二年邑善人李棟材捐百金修橋並修路因題曰善

人

項思教記

玉帶橋

在縣西四十里跨月河隄上

縣志

萬曆丙辰知縣張啟蒙修



月河堤並創橋一座石根輒面障以柱檻月水環繞夾左右掖若

玉帶然因以名橋王養民修橋記

商州

武關 在州東一百八十五里州圖楚司馬販使謂晉陰地大夫曰將

通於少習以聽命杜預曰少習秦商縣武關也左傳杜注蘇秦說楚威

王曰秦一軍出武關一軍下黔中則鄢郢動矣戰國策始皇二十八

年東行自南郡由武關歸史記秦始皇本紀秦二世三年沛公下析酈攻

武關應劭曰武關秦南關也通南陽郡文穎曰武關在析縣西一

百七十里弘農界京相璠曰武關楚通上雒阨道也高帝本紀注南陽

西通武關賁殖傳丹水歷少習出武關水經注武關山為地門上應天

齊星洛書甄曜度自灊而南至於藍田其驛六其蔽曰商州其關曰武

關柳宗元館驛使記路入商山中橫武關呀重門於固護屹峭嶭以屏顏



地勢爭雄山形互對西連蜀漢之險北接崤函之塞

王叔武關賦

在州

東武關山下當官道設關北接高山南臨絕澗去河南內鄉縣一

百七十里明洪武中以官軍守之後設巡檢司今廢

州志

胭脂關

在州西二十里

州志

牧護關

在州西一百二十里古牧畜之場有南牧護關北牧護關

有巡檢司今廢

州志○按府志有模糊關控秦嶺通藍田據州冊即牧護之訛

龍駒寨

在州東一百五里

州志

境有東西二寨據雞冠山俗傳項羽

烏騅產此故名其地水走襄陽陸入關輔南北輻輳一巨鎮也

州志

偏路隘

在州西北十里

州志

貞元七年商州刺史李西華自藍田至

內鄉開新道七百餘里迴山取塗人不病涉謂之偏路

唐書地理志

自

武關西北行五十里至桃花舖又八十里至白楊店子又八十里

至麻澗又百里至新店子又百里至藍田縣皆行山中即所謂偏



路也至藍田縣始出險就平輿程又自說法洞至石佛灣明嘉靖

萬曆間商洛道郝元洪知州王邦俊相繼修葺鑿壁架梁砌石連

棧至今利賴州志

商洛鎮 在州東八十五里州志商洛縣貞元二年廢為鎮金史地按

即隋故商洛縣州志

老君店鎮 在州東九十里州志

黃川鎮 在州西七十里州志商州舊有黃川鎮金史地上洛縣有黃

川鎮九域志

大荆鎮 在州西北七十里州志

泉村鎮 在州北六十里州志

附州境雞籠寨安軍寨西說法洞後寨俱在州南○顯神寨在州

古隘南四十里戴雲峰○權平原隘在州西二里今廢州志○第二山寨



爬樓山後四寨俱在州北。紅崖寨在州北九十里。高山寨萬

菴寨張村寨長川寨恨峪寨燕子龕寨鵬崖寨避霸龕寨地花寨

腰線崖寨大寨青雲寨雞冠山寨俱在州東。肱膊峪寨南洞寨

呂家寨饅頭山寨箭溝寨楊家山砦秦嶺砦黑龍砦俱在州西。

霍家洞砦空空山砦板橋砦桃岔寨林家灣砦石山砦烟葫蘆砦

王家山砦田家砦紅土砦白土砦夾耳寨硯瓦石寨元武寨中嘴

子砦洞子溝砦孫家山砦香溝砦九山廕砦甘樹凹砦青砦砦俱

在州北。今皆廢。州志。西市鎮在州西。州志。商州舊有西市鎮。後廢。金史

地理志。上洛縣有西市鎮。九域志。商州澧陽縣貞元二年廢為鎮。金史

地理志

草廟溝橋 在州東七里。州冊

白楊店石橋 在州東四十里。白楊河北岸跨乾澗店街東盡處即



渡丹水名頭渡河

州志

洛源石橋 在州東五十里洛源河上知州王廷伊修即二渡河

州志

高橋 在州東六十里高橋河上即三渡河又有地花河為四渡河

舊有四渡官船給工食今無

州志

西門石橋 在州西門外巡撫倪天民建後圯易以木今仍之四路

諸水俱冬月架木為橋春止

州志

板橋 在州北四十里跨荆川上唐溫庭筠詩人跡板橋霜即此

馮志

附州境永濟橋在州西二十里跨荆水今廢

州志

○通濟橋在州南

二里跨丹水用板木○南秦橋在州南四里跨乳水

州志

○棣花橋

在州東七十里

府志

以多產棣花故名俗訛地花即四渡河○香椿

樹石橋在州西北五里草廟溝內今廢

州志

鎮安縣



青銅關

在縣南七十五里

縣冊○按輿地紀勝洵陽縣有青鳳關據西安府志云清風關在洵陽縣北一百二十里交鎮安界清風關在鎮安境俗一名青銅關

青嘴岵峪寨

在縣東五里

縣冊

大崖寨

在縣南五十里

縣冊

羅家硤

在縣南七十里

縣冊

棗元山寨

在縣南一百里

縣冊

紙橋寨

在縣北三十里

縣冊

野猪坪堡

在縣北九十里

縣冊

附縣境古關隘

紅崖關在縣南一百八十里洵陽交界今廢

縣冊

宋慶曆間

知州皮仲容議採洛南紅崖銅置阜民監

州志

○五谷關在縣西唐

置今故址猶存

輿圖綜要

一云名五郎關在縣西三百五十里長安交

界今廢

縣冊

○舊縣關即乾祐關在縣北九十五里交咸寧縣界舊



設巡檢今裁縣志宋置輿圖綜要○縣舊有南北寨長嘯青峰雲蓋三鎮舊志

永慶橋 在縣東門外跨乾祐河馬志

杜川橋 在縣東八十里跨杜川上馬志○按西安府志作杜川

龍洞橋 在縣東九十里跨龍洞川上馬志

永安橋 在縣西門外馬志跨鎮安河縣志

金井橋 在縣東北八十里跨金井渠縣志

### 雒南縣

盧靈關 在縣東北一百一十五里縣志通河南盧氏靈寶縣志

火燒寨 在縣西南三十里交商州界縣志土赤如火因名縣志

異家寨 在縣西二十里二寨皆土人守禦之所縣志

三要鎮 在縣東南六十里縣志據三要山南通武關東接盧氏北望

閔靈皆有便路因名明成化七年置巡檢司今因之州志



南河鎮

在縣東南八十里

縣志

黑潭子鎮

在縣西北四十里

縣志

崇禎九年流寇圍城蜀將楊玉振

戰歿於黑潭川

縣志

石門鎮

在縣北三十里

縣志

石山突起四壁無依中闢一門高廣各

五六丈又號曰龍門

縣志

附縣境

常水鎮在縣東北

縣志

○縣有採造伯界故縣兩合四鎮

九域志

西門橋

在縣西城外跨縣河

縣志

縣河橋

在縣南城外跨縣河

縣志

祖餞橋

在縣南城外

縣志

跨縣河

縣志

東門橋

在縣東門外跨縣河

縣志

洛河橋

在縣北五里跨洛水上

縣志

附縣境

藥子嶺橋在縣西南二十里藥子嶺今廢

縣志

路通商州

縣志



山陽縣

竹林關 在縣東一百四里縣志臨丹水上通商南下析川入楚界舊

設巡檢司順治十五年裁縣志漢王陵起兵丹水應漢即今山陽竹

林關商州志○按縣志有竹林關寨西安府志即漢丹水縣

豐陽關 在縣東一百四十里縣志南陽郡析縣有豐陽城續漢志晉永

和九年秦苻雄遣苻菁畧上洛立荊州於豐陽川通鑑即今山陽縣

豐陽關州志在漫川上路通鄖陽舊設巡檢司順治十五年裁今名

漫川關有防兵縣志○按西安府志即漢漫川縣遺址

僧道關 在縣東南八十里縣志鶻嶺有僧道關州志南蠻王以僧道兵

拒楊文廣處石門尚存府志

土門寨 在縣東一百里縣志

土地嶺寨 在縣東一百三十里縣志與箭口寨連縣志



玉皇寨 在縣東一百三十里縣志連豐陽關縣志

虎頭寨 在縣東一百三十里縣志與玉皇寨近縣志

歷陽寨 在縣東南五里縣志

白巖寨 在縣東南二十五里上有石龕廣十餘丈縣志

龍洞寨 在縣東南三十里縣志

趙家灣寨 在縣東南三十五里縣志

高八店寨 在縣東南四十五里縣志

龍眼寨 在縣東南七十里縣志

火燄寨 在縣東南七十里縣志

銀花寨 在縣東南八十里縣志

箭口寨 在縣東南一百二十里縣志

宜壤寨 在縣東南一百二十里縣志與箭口寨連縣志



蠻王寨 在縣東南一百二十里縣志與土地嶺寨連縣志

徐家營寨 在縣南二百三十里縣志罩川上縣志

孤山寨 在縣西三十里縣志

雞頭崖寨 在縣西五十里縣志

清雅寨 在縣西六十里與白土寨近縣志

白土寨 在縣西七十里縣志在馬夾灘縣志

版岩寨 在縣西七十里縣志岩三面如削一面小路可登縣志

竹凹寨 在縣西八十里與扈家原近縣志

老寨 在縣西一百二十里合河口縣志

尖山寨 在縣西一百二十里縣志與三鳳山近縣志

原北寨 在縣北二十三里苦竹原北孤峰直上衆山不爲援縣志

下關坊 在縣北三十里通商州路縣志



大桑園寨

一名泥溝寨在縣東北二百六十里

縣志

連商州界

志

附縣境古關

繒關在縣南二百里當在漫川左右楚致方城之外於繒

關即此

縣志

截谷口橋

在縣東一里許有石碣

縣志

程家橋

在縣東三十里雙孃山下豐水源上

縣志

土橋在縣東七十里中村之西銀花水上

縣志

銀花橋

在縣東八十里跨銀花河上

縣志

天橋

在縣東南一百二十里路通鄖陽架木為梁橋下溝深數十

丈因名

縣志

節婦橋

在縣西七十五里亦曰寡婦橋橋下有烈夫石相傳昔有

鰥夫欲娶寡婦婦不從夫感其義亦鰥居終身及寡婦死夫亦撞

石死化為石

縣志



石門橋

在下關坊北縣志

土橋子

在縣西北五里仙人龕苦竹原安武水上縣志

附縣境  
古橋

虎谷石橋在縣東三里○卷嶺石橋在縣東南一百二十

里府志

商南縣

永安寨

在縣西十里康熙初知縣嘗僑治於寨內縣志

石馬寨

在縣西二十五里清油河岸縣志

附縣境  
古關隘

小嶺關在縣南七十里馬志關廢今名打鼓洞在大嶺觀上

縣冊

○大嶺關在縣南八十里其峰高峻可以南望荆楚雍勝畧關廢

今有觀名大嶺觀縣冊

○石巖寨在縣西南三百二十里縣冊其山周

圍壁立萬仞惟小徑可上僅容一人中有田一二頃豐腴異常州志

○千丈寨在縣西四十里今廢縣冊○富水堡在縣東二十五里一



名富水關在富水河上其地有古城跡明成化八年以王彪之亂

設立巡司即古城為堡今巡司裁有營汛縣志今廢縣志○青雲鎮在

縣境即青雲館久廢州志商州舊有青雲鎮後廢金史地理志商洛縣有

一青雲鎮九域志

普惠橋 在縣東門外有東西二橋跨沭河分流處馬志

板橋 在縣東五里馬志

龍潭橋 在縣西二十五里縣志

捉馬溝橋 在縣西五十里縣志

馬槽溝石橋 在縣東北五里縣志

附縣境高橋在縣東五里古地名也○東關石橋在東關五里○  
古橋渡

田家河石橋桃林溝石橋窰子口石橋俱在縣西二十五里○又

有馬皮溝石橋要關嶺石橋西門外石橋徐家店官渡張家河官



渡西安府志

同州

羗白鎮 在州西二十里州志

潘驛鎮 在州西三十里州志

船舍鎮 在州西三十里州志

坊頭鎮 在州北三十里一名坊舍鎮州志境諸鎮舊有城堡今惟

羗白坊頭二城未全傾圮州志

附州境沙苑鎮在州南十二里蓋即唐沙苑監地也後廢賈馮翊古監

縣有沙苑隋書地理志沙苑一名沙阜東西八十里南北三十里宇文

泰破高歡於此元和志同州馮翊沙苑鎮○井藍鎮在同州金史地理志

坊頭渡 在州北三十里洛河上坊頭鎮州志

船舍渡 在州西北三十里洛河上州志通蒲城船一隻水夫三名州志



戶軍渡

在州西二十五里戶軍里洛河上

馬志

明沙渡

在州西二十五里明水村洛河上

馬志

在明水村東三百步

府志

新橋渡

在州西十餘里洛河上俱民渡各附近居民以夏秋予直

馬志

下廟渡

在州西五里洛河上通涇陽渭南船二隻水夫六名

州志

城南渡

在州西南五里洛河上通華州華陰下廟渡岸高路狹大

車廣載俱由城南而渡船一隻水夫三名

州志

附州境古橋渡

洛水橋在州西南

舊志

宋元嘉二十三年魏主自汾陰濟河

至洛水橋此華陰之洛水史記所謂魏築長城自鄭濱洛者也

通鑑

胡注

○東灣渡在州東洛河上

州志

朝邑縣



新大慶關 在縣東七里黃河西岸建自明萬曆二十六年今被黃

河侵崩其故關在縣東三十里黃河東岸即古臨晉關縣志魏襄王

七年秦王來見于蒲坂關竹書紀年參以中尉從漢王出臨晉關正義

曰即蒲津關也在臨晉縣故言臨晉關史記曹相國世家注武帝元封六年

立蒲津關師古曰臨晉關在臨晉即蒲津關漢書武帝本紀注後魏天平

二年齊神武遣庫狄溫守封陵築蒲津西岸北齊書高祖本紀河中西關

城在河西所以護蒲津浮梁者也通鑑胡注河中府河西縣有蒲津關

一名蒲坂關唐書地理志朝邑縣東南有蒲津關元和志自華而北界於

櫟陽其驛六其蔽曰同州其關曰蒲津柳宗元館驛使記蒲津關戰國時

魏所置自河東而言亦曰蒲坂津自關中而言亦曰夏陽津宋白續通

典蒲津關因在蒲坂又以河津之湊為名寰宇記宋大中祥符四年

改為大慶關城以圯明嘉靖二十年西安府同知朱文霽復築關



城萬曆以後河決城毀後河流西徙故關反在東岸爲舊大慶關

今河西亦稱新大慶關巡檢司稅課局在焉有防兵

縣志

金龍堡 在縣西門外金龍寺下

縣志

泰安堡 在縣西一里明季寇亂邑孝廉雷于霖創建

縣志

東長春堡西長春堡 俱在縣西北一里隋長春宮故址

縣志

兩女鎮 在縣東四十里

縣志

趙渡鎮 在縣東南十五里

縣志

新市鎮 在縣南十里

縣志

伯士鎮 在縣西十五里

縣志

安仁鎮 在縣西二十里

縣志

雙泉鎮 在縣西四十里

縣志

白塚鎮 在縣西北二十里

縣志

有堡城明嘉靖二十六年知縣任希



祖建縣志

附縣境 戈社寨在縣北四十里元末戈平章築以為保障之所縣志

○洿谷鎮在縣東北六十里以當洿谷口而名一曰洿谷堡三面

陡絕其險足恃縣志隆慶元年崩入黃河縣志○縣有延祥鎮九域志

苦泉石橋 在縣西北四十五里馬志

鐵牛渡 在黃河上大慶關所即唐鑄鐵牛造橋處今浮梁廢以舟

楫濟水夫六十名協濟潼關風陵渡潼關縣志

洛河渡 在縣東南十里趙渡鎮縣志船五隻棹卒二十人舊每冬作

橋梁今不復修縣志

渭河渡 在縣南三十里南通華陰船五隻棹卒二十人縣志

望仙渡 在縣東南三十里接華陰界縣志

附縣境 秦昭襄王五十年初作河橋索隱曰為浮橋於臨晉關也



正義曰此橋在同州臨晉縣東渡河至蒲州今蒲津橋也

史記秦本紀注

漢臨晉縣故城在西南有蒲津關河橋秦后子奔晉造舟於河通

秦晉之道

杜氏通典

後魏大統元年東魏屯軍蒲坂造三道浮橋渡河

北周書文帝本紀

義寧元年唐公淵引兵而西朝邑法曹靳孝謨以蒲津

中渾二城降蒲津梁大河為橋故有中渾城

通鑑胡注

造舟之梁四河

則蒲津

唐六典

蒲津河橋天下之要津也明皇詔鑄鐵牛八頭繫纜

柱二十四條連鎖一十二條山架八所牧人八枚於中渾分立夾

岸以維浮梁

紀異記

河上有三橋蒲津是其一隔秦稱塞臨晉名關

關西之要衝河東之輻輳

張說蒲津橋贊

魏太祖西征馬超韓遂夜渡蒲

津關今造舟為梁亦關河之巨防

地理通釋

今牛西岸三東岸四其一

沉於河

明一統志

蒲津橋自唐宋以來皆經修治明萬曆中河徙橋遂

不復

縣志

○備潦橋在縣東十五里

馬志

○金龍渡舊在三河口自萬



曆間河徙遂廢縣志

邵陽縣

東蒙寨 在縣東三十里東臨黃河三面深溝其上鑿井面河作窰

馬志廣四十三畝九分高七丈縣志

虎山寨 在縣西南五十里高原深溝昔人避亂處也縣志

護難寨 在縣西北二十里四圍深溝昔遇兵亂賴此保障馬志縱橫

十里縣志

青雲寨 在縣東北三十里其寨陡峻高入雲表昔人避亂之所賈志

坊鎮 在縣東二十里縣志

王村鎮 在縣東四十里縣志

黑池鎮 在縣東南四十里縣志

路井鎮 在縣西南四十里縣志



甘井鎮 在縣北二十里縣志

百良鎮 在縣東微北三十里縣志

附縣境甘峪寨在縣西南五十里今廢為田馬志○焦籬堡在縣東

二十五里舊志李懷光將徐廷光守長春宮城率眾降燧燧進營焦

籬堡唐書馬燧傳焦籬堡在河中府河西縣西通鑑胡注○邵陽夏陽鎮金史

地理志○韓莊市在縣南○念吉市在縣北舊志

撫濟橋 在縣東南二十五里跨河水上明萬曆十九年舉人車朴

勸募創建陝西巡撫葉夢熊助成之縣志

廉莊渡 在縣東五十里黃河上賈志通山西蒲州馬志

茶峪渡 在縣東四十里黃河上賈志通山西榮河馬志

夏陽渡 在縣東南四十里黃河上秦晉要津賈志唐中和二年李克

用引兵自夏陽渡河乾元三年更河西曰夏陽通鑑胡注○按秦改少梁為夏陽漢



因之郃陽至唐乾元始名夏陽元和志韓城漢爲夏陽縣地隋文帝分郃陽於此置韓城縣則郃陽在漢無夏陽之名韓信木罌渡軍處應在韓城少梁雍勝畧以爲在郃陽夏陽渡誤也

### 澄城縣

寺頭鎮 在縣東南四十里明嘉靖二十五年築城保聚名曰遵義

堡縣志

業善鎮

在縣東南五十里縣志

韋莊鎮

在縣南五十里縣志

交道鎮

在縣西二十里縣志

塢頭鎮

在縣西二十里嘉靖二十五年築名曰長潤堡縣志

王莊鎮

在縣西北二十七里縣志名曰太平堡明嘉靖丙午知縣徐

效賢奉都察院謝蘭檄委創築遵義長潤太平三堡城縣志

馮原鎮

在縣西北五十里縣志



塔塚鎮 在縣北三十里縣冊

附縣境 親隣寨在縣北二十里元末李思齊築為屯守處賈志今廢

古隘 良輔鎮在縣北五十里宋鎮也縣冊同州北境良輔鎮即唐鄭魏

公莊也張彞民畫漫錄○馬頭鎮在縣西北五十里舊志晉太元十六年苟

曜有衆萬人密應登登去曲牢繁川次於馬頭原晉書符登載記馬頭原

之地在長安東通鑑胡注

撲地河橋 在縣東二十里縣圖跨太谷河縣冊

馬村橋 在縣東二十里縣圖跨太谷河縣冊

崆峒橋 在縣西十里激水上賈志

蘭莊河小橋 在縣西二十里為塢頭鎮東西往來要津崇禎時善

士李世昌獨力創建路世美修橋記

天險橋 在縣西北八十里天險門俗名空子橋嘉靖丙午知縣徐



效賢創築扁曰天險

縣志

洛河渡 在縣西二十里通蒲城路

縣志

### 韓城縣

胡家寨 在縣東十三里內有洞通黃河相傳元末胡將軍嘗屯兵

於此

賈志即周原堡三面陡絕東臨大河高數百尺號為天塹

縣志

神道嶺城

在縣西北一百二十里

縣圖

界西延二府居萬山中順治

十二年築城柳溝設遊擊營鎮之

縣志

黃龍山迤東神道嶺係延鄜

平慶孔道南通澄白韓邵等處北通鄜州宜洛等處四達之通衢

盜賊之窠穴明季流寇盤踞實始於此請設兵駐防以專責成

高辛

傳請設防兵疏

芝川鎮

在縣南二十里

縣志

芝川在韓城縣南其地有鎮

雍勝

嘉靖

二十二年虜掠太原欲入陝芝川鎮東與河距邑令全文築城浚



隍以遏其衝沿河置墩臺以便瞭望韓邦奇修鎮記隆慶丁卯邑令馬春

芳增修加高已已復修城門樓稱雄鎮焉張士佩修城樓記

薛峰鎮 在縣西四十里縣冊

咎村鎮 在縣東北二十里縣冊

附縣境古關隘龍門關在龍門渡左縣志天和五年齊斛律明月築城自華

谷至於龍門北周書高祖本紀古韓國有龍門即禹導河至於龍門是也

魚集龍門上即為龍又有龍門關通典龍門戍在縣東北後周於此

置龍門關地理通釋龍門關西魏大統元年置在龍門山下寰宇記○天

成堡在縣西南四十里馬志基址尚存縣冊○春城堡在縣西七十里

今廢縣冊

冰橋 在縣東北禹門處每歲大雪時合驚蟄時解時日不差龍門

斷岸危峽河水蔽天而下至此山立若有神驅之者頃結成橋車



馬擔負行同陸路其始合俟夜有狐跡乃可渡解則渙然無迹其結其解皆以夜故行者無虞宋建炎元年金人分道入寇官軍扼於河乃自韓城履冰渡即此縣志

龍門橋 在縣北六十里渚北村西縣志前限鴻溝羊腸崎嶇行者苦

之萬曆丙申衛守業衛天道衛鴻臚嗣康創長橋以濟之於石砌上增以甃爲眼一袤八十尺廣二丈高五十尺有記縣志

濠水橋 在縣城南門外跨濠水康熙癸未縣人巡撫劉蔭樞造越三年始成爲孔七上砌石欄橋頭建大坊祠廟各一有劉蔭樞撰

碑縣志

陳邨橋 在縣南十里陳邨堰渠本濠水來石砌高一丈五尺長六

丈濶一丈二尺嘉靖八年建縣志

西少梁橋 在縣南五十里少梁里東南衆流入濠潦霖病涉隆慶



戊辰道人張崇義募建石橋長三丈濶一丈三尺高八尺成於隆

慶戊辰以少梁名有記

縣志

南溪橋

在縣南五里北蘇邨南

縣志

石砌高二丈長一丈五尺濶一

丈五尺有記

縣志

跨澗水

縣志

呂莊橋

在縣南二十里呂莊邨東

縣志

本芝水來

縣志

芝陽橋

在縣南二十里芝川鎮南門外跨芝川上順治己亥縣人

張斗宿倡造庚子水漲橋圯斗宿捐貲重建至康熙甲辰始成下

砌石柱上搭長木長三十五步濶九尺高一丈二尺張鼎銓撰碑

縣志

飛虹橋

在縣北二十里郭莊邨西南

縣志

跨清水河上陳國英國楨

建

縣志

永濟橋

在縣西八里

縣志

跨竹園村趙家堰渠本濠水來高四丈

縣志



龍門渡 在縣東北六十里賈志天和六年周宇文憲自龍門渡河北周

書高祖本紀 義熙元年高祖次龍門祀河乃濟唐書高祖本紀

漁村渡 在縣東十里黃河津濟處馬志

謝村渡 在縣東二十里黃河津濟處馬志

少梁渡 在縣東南二十里賈志魏王豹盛兵蒲坂塞臨晉信乃益為

疑兵陳船欲渡臨晉而伏兵從夏陽以木罌瓠渡軍正義曰臨晉

同州東朝邑界夏陽同州北渭南界史記韓信列傳韓城漢為夏陽縣地

有少梁故城元和志

### 華州

青岡坪汎 在州西南七十五里州志括地千畝為州境要隘其西南

百里可通曉關東南可通武關荆楚往來行人絡繹順治初山孽

盤互幾成絕徑十二年立木城撥潼關營把總汎防於此今有防



兵志

羅紋鎮

在州東五里

冊州

水旋轉如羅紋因名

志州

梁貞明六年劉鄩

圍同州晉救之鄩敗退保羅紋寨

通鑑○按羅紋寨疑即羅紋鎮

柳子鎮

在州東二十里

志州

臺頭鎮

在州東四十里與華陰縣接界

志州

瓜坡鎮

在州西南二十里

志州

大明鎮

在州西南二十五里

冊州

高唐鎮

在州西南三十里

冊州

江村鎮

在州西南三十五里

冊州

赤水鎮

在州西二十五里赤水東交渭南界

冊州

華州鄭縣赤水鎮

金史地理志

華州鄭縣有赤水鎮

九域志

小漲鎮

在州西北十五里

冊州



大漲鎮 在州西北二十里州冊

王宿鎮 在州東北二十里州冊

附縣境古關隘周關在聖山南秦家莊關為周處所建州志○少華鎮在州

南少華峰下為入關之道今廢州志

太平橋 在州東二里西志跨潭峪水上州冊華北五里有唐村村北

昔有大雲橋後更為太平橋州志傳陳希夷至此聞宋太祖即位有

天下太平之語因名馬志○按通鑑胡注大雲橋在華州大雲寺前武后令天下諸州各置大雲寺藏大雲經

遂因寺名橋今太平橋或即其遺蹟

羅紋橋 在州東五里羅紋鎮州冊白石峪水流其下賈志

東石橋 在州東二十里跨構峪水上州志沈水經鄭城東水有故石

梁水經注鄭城東西十里各有石梁述征記

小石橋 在州西城外受石隄峪石溪諸水昔有權無梁諸生李明



達等砌石爲橋

州志

西石橋

在州西十里跨石橋鋪河

州志

西石橋水北逕鄭城西水上

有橋橋雖崩褫舊跡猶存

水經注

赤隄峪石隄谷二水流其下

賈志

遇仙橋

在州西二十里跨喬谷水上傳希夷先生入華山過此後

人思之名其里并名其橋

志

俗傳寇萊公少時遇仙人於此

州志

白公橋

在州西灌水上昔無梁順治庚子諸生姚中傑等創費不

給中丞白如梅捐千金成於康熙丁未因名

州志

大漲渡

在州西二十里渭水上

賈志

小漲渡

在州西十五里渭水上

賈志

王李渡

在州北十里渭水上

賈志

○按西安府志作王立渡

附縣境古橋

萊公橋在州北王李渡之南橋以渡渭爲往來萊公葺因

名後渭北流橋爲水所沒

州志



華陰縣

甕谷口 在縣西南十五里縣志環抱如甕為商洛徑道道險有防兵

縣志

華岳鎮 在縣東三里縣志

泉店鎮 在縣東二十里縣志

敷水鎮 在縣西三十里縣志華陰鎮二關西敷水金史地理志華陰縣有

敷水鎮九域志

附縣境渭津關在縣東縣志華陰縣有渭津關唐書地理志今廢縣志關

西鎮在縣東以在潼關之西故名縣志華陰縣有關西鎮九域志久廢

縣志

東平橋 在縣東門外賈志

駐馬橋 在縣西門外華山之秀過者皆於此攬轡駐望因名賈志橋



舊五孔前令馮嘉會增為七孔縣志跨長澗水縣志

長城橋 在縣西十三里跨黃酸水上邑人趙剛捐貲重修縣志渭水

又東逕長城北史記秦孝公元年楚魏與秦接魏築長城自鄭濱

洛是也水經注○按史記正義洛即漆沮水

頁橋 在縣西二十五里跨黃酸水上縣志

由文橋 在縣北跨大澗水上縣志

望仙橋 在縣東北二十里賈志

落村渡 在縣西北三十里渭水上縣志

東澗渡 在縣北二十里渭水上縣志

上村渡 在縣北二十里渭水上縣志

寺南渡 在縣東北二十五里渭水上縣志

附縣境古橋渡 弔橋在縣東十五里沙渠水上縣志○岳鎮橋自小



來暴雨為患今縣志。羅敷橋在敷水鎮西今縣志。○園林渡在

縣西北二十里渭水上縣志

蒲城縣

曹村堡 在縣東四十里洛水西岸土人名曰古城距舊重泉正東

北六十里縣志

避難堡 在縣東北六十里澄城縣界縣志

常樂鎮 在縣東四十里縣志

漢帝鎮 在縣東南一十八里宋敏求長安志一作漢底縣志

車渡鎮 在縣東南四十里縣志梁乾化元年李茂貞遣溫韜寇長安

梁兵擊韜於車渡走之通鑑車渡鎮在縣東南五十里宋敏求長安志

晉城鎮 在縣東南四十里縣志舊傳晉公子重耳出亡於蒲所築或

又以為秦孟明敗後晉建城為屯守拒穆公也縣志



石表鎮 在縣南三十里縣圖

孝同鎮 在縣南四十里縣志

渭源鎮 在縣南五十里縣志

賈曲鎮 在縣西南十五里即古賈國取漫源一曲得名縣志

荆姚鎮 在縣西南四十里縣志縣有荆姚鎮宋敏求長安志蒲城鎮一荆姚

金史地理志

興市鎮 在縣西二十五里縣志

蘇坊鎮 在縣西三十五里縣圖

武店鎮 在縣西四十五里縣志

高陽鎮 在縣西北四十里今興市孝同晉城高陽四鎮堡垣雖圯

猶可增葺以為保障荆姚常樂車渡漢底雖鎮大無堡城縣志

龍陽鎮 在縣南三十里縣志



附縣境

晉穆公寨在沮水東岸相去五里。白起寨在縣東北三十里。

○晉公子虛糧寨在縣東北六十五里沮水西岸虛糧史傳

無聞

宋敏求長安志

○李潤堡在奉先縣今蒲城縣東北五里

寰宇記

晉太元十

五年魏褐飛攻姚漢得於李潤

通鑑

馮翊東有李潤鎮

李延壽注

○野人

堡在縣西北

舊志

晉太元十八年苻登將竇衝叛登攻衝於野人堡

晉書苻登載記

○按晉書登攻衝姚興攻胡空堡以救之登盡眾而東攻屠各姚奴帛蒲二堡克之又登據曲牢苟曜據逆方堡密

應登數堡俱應在京兆近地

蔡鄧渡

在縣東北六十里

縣志

洛水上通澄城官渡

縣志

永豐渡

在縣東北六十里

永豐里洛水岸通澄城

縣志

武堡渡

在縣東四十五里

縣志

洛水上通同州

縣志

溫湯渡

在縣東五十里洛崖通同州

縣志

常樂渡

在縣東南四十里洛水上通同州

縣志



車渡 在縣東南三十五里車渡里洛水上通同州縣志

晉王渡 在縣東南三十里晉王灘洛北崖通同州縣志

晉城渡 在縣東南四十里洛水上通同州官渡縣志

潼關縣

潼關 在華州華陰縣東北三十九里今衛改縣在潼關縣治古桃林塞也地理

通釋晉侯使詹嘉處瑕守桃林之塞杜預曰桃林塞潼關是也左傳

河在關內南流潼激關山因謂之潼關灌水經通谷述征記所謂

潼谷水或說因水以名地也西征賦遡黃卷以濟潼河水自潼關

東北流水側有長坂謂之黃卷坂涉此以升潼關水經注先名衝關

後以關西一里有潼水因以名元和志唐潼關在太華山之北長安

東二百八十里雍錄自萬年至於渭南其驛六其蔽曰華州其關曰

潼關柳宗元館驛使記史記正義桃林塞今華州潼關師古曰取河華



塞耳非桃林也通鑑秦函谷關在今靈寶縣界漢武帝徙

於新安縣界按漢獻帝初平元年董卓脅帝西幸入函谷關是初平以前立關尚在新安也至建安十六

年曹公破馬超於潼關即是中間移於今所後周文帝破東魏軍

殺大將竇泰於此其潼峪關者因水立稱隋大業七年移於南北

鎮城間坑獸檻谷置去舊關四里餘唐天授二年移向北近河為

路開元十三年於華州嶽祠南之通衢立碑御製文及御書舊路

在嶽祠北因是移於嶽祠南通典上躋高隅俯視洪流盤紆峻極實

謂天險河北岸為風陵津北至蒲關六十餘里迤邐相接自此西

望川途曠然蓋神明之奧區帝王之戶牖玉海潼關歷代皆為要地

唐立關北屬山西蒲州東南屬河南閩鄉縣雍勝略東漢時築後周

改名潼峪關潛確類書潼關天險南薄山北阻河中通一徑車不方軌

一夫當關億萬不能踰也張光孝州志自天授二年移近黃河是為今



地秦嶺南峙太華西聳東南有禁峪之險設十二連城以防秦嶺  
諸峪北有洛渭會黃河抱關而下宋天聖二年設備潼關明設守

禦今因之衛志

附縣境  
古關隘

古城關在城東南四里即隋大業所遷關地自此至西峪

俱有烽臺○寺角營關在城東南十五里○車峪關在城東南三

十里○西峪關在城東南四十里○石門關在城南二里○禁峪

關在城南十里谷勢壁立望者禁足

志衛

魏宇文泰至小關小關在

潼關之左唐時謂之禁峪關左有峪平日禁人往來謂之禁坑黃

巢入寇張承範忘守此峪賊遂由此陷潼關

通鑑  
胡注

○延底關在城

南十里○溝西關在城南十五里○漢井關在城南二十里○五

莊關在城南二十五里○麻峪關在城南三十里○水門關城南

三十里○太峪關在城南三十里○潼峪關在城南三十里○水經



注所謂潼峪水潼關以此名潼峪口有防兵。上關在城南三十

里。南渡關在城西十里。永樂關在城東北四十里有永樂鎮

渡衛志以上十六關基址俱存而防守城堡墩臺久廢縣志。風陵關

唐志河東縣南聖曆元年置地理通釋。按在今風陵渡又城東有姚讚屯南有暗門隘姚鸞屯俱廢

潼津橋 在潼關城中因水出潼峪為名明一統志兵憲張聞行建一名

石橋潼水貫城自南亘北以石甃橋為川陝晉豫通衢九邊要路

康熙庚申大水橋壞叅議孔興鈺捐修有序衛志副憲狄敬重修易

名潼橋賈志有石橋渡一名潼津橋渡馬志

通津橋 在城東門外原望溝上衛志

楊家橋 在城西門外楊家河上衛志

清河橋 在城西北二十里大司馬王之臣建衛志

風陵渡 在城東門外黃河上北岸有女媧墓或曰風后墓故曰風



陵

衛志

魏太祖征馬超自潼關北渡即其處

地理通釋

路通蒲州

馬志

秦省

現在官船二隻僱民夫撐駕晉省額設官船九隻風陵渡水手二

十四名大慶關協濟風陵渡水手六十名雍正六年奉部撥歸

潼關縣支領工食共船十一隻水手八十四名在黃河渡口接濟

又於雍正六年兩省移咨定議如遇大差官船不敷兩省各半調

船

協濟縣冊

耀州

夏侯堡

即今魚池堡在州南二十里

州冊

元末州治燬官治事於此

後空無人明嘉靖二十五年復築堡城

州志

小邱堡

在州西北四十里嘉靖二十五年築

州志

岸門城

在州西北一百里分水嶺上

州冊

明嘉靖二十三年寇警急

政張渙築以重石門之險行者多由七里川不經此門

州志



九龍寨

在州北六十里

州志

石嘴山東有九峰峰有泉合為九泉故

名

州志

相傳三水門天桃及九龍寨皆姚襄故跡九龍寨尚有寨門

地牢遺址

賈志

附縣境古隘

天活堡在州西北木門山西北十里四面石崖峻絕上有

薪水金陝西行省李興嘗治兵於此田者嘗得遺鏃折戟

州志

○玉

女堡在州西北一百三里

州志

在天活堡北十里玉女山上

州志

○桃

兒堡在州西北一百一十里

州志

在玉女堡北十里其地阻險比天

活堡更大薪水亦便

州志

○箭穿堡在州西北一百一十里

州志

即桃

兒堡東箭穿岩相傳後周明帝與諸將校射中岩為孔因以名堡

州志

○寧谷鎮在華原縣西北八十里

宋敏求長安志

在照金山西北為七

里川即故寧谷鎮地

州志

通濟橋

在州北五里漆水濱通榆林路

馬志



東門橋 在州東門外漆水上州圖

西門橋 在州西門外跨沮水上州圖

南門橋 在州南門外跨沮水上州圖

同官縣

金鎖關 在縣北三十里神水峽有東西二路一通延綏榆林一通

寧夏甘肅道從石峽出絕壁千尺為榆塞秦關襟喉要地縣志嘉靖

三十年巡撫張珩議以鄜州南下省城金鎖關至為衝要宜築城

戍守以防套寇突犯從之明世宗法錄三十二年知縣亢慶鴻始築關城

置巡司今革設守備駐劄後移入耀州城內州志

西梁堡 在縣南三十里故址尚存昔人據險守禦處縣志

濟陽寨 在縣治西南隅濟陽山上元末張良弼遣院判虎林赤等

築山寨為據守計有土城高丈餘縣依為固有洞旁穿取水於下



近時修寨得古窖尚有藏粟

縣志

永寧寨 在縣治西山止與濟陽為犄角皆明嘉靖中知縣亢慶鴻

築

縣志

南古寨 在縣東北二十里縣志四面皆山峽一徑僅通其頂寬平有

池及井昔人避兵之地

縣志

陳爐鎮 在縣東南三十里縣志土人陶瓦器為業故名

縣志

立地鎮 在縣東南三十里縣志

上店鎮 在縣東南四十里縣志

黃堡鎮 在縣南四十里亦名黃堡寨在金時為重鎮明嘉靖三十

五年築堡城舊有陶場今廢賈志晉升平初姚襄自杏城進據黃洛

堡秦苻生遣苻黃眉等擊敗之晉書姚襄載記黃堡鎮在縣南

宋敏求長安志同

官鎮一黃堡

金史地理志



趙氏塢近同官川通鑑胡注晉太元九年姚萇屯北地苻堅討

之於趙氏塢晉書苻堅載記

臨漆橋 在縣治東街之北濟陽山水所經縣志

鐘樓橋 在縣城明遠街中濟陽山暴水所經萬曆三十四年居民

重修縣志

義濟橋 在縣治北虎溪巷西萬曆四十年居民習童蒙田木新建

縣志

龍溪橋 在縣城南門外濟陽山下縣志濟陽山泉水所經萬曆三十

六年居民重修縣志

鎮南橋 在縣南一里嶂山南一支暴水所經縣志

蝦蟇橋 在縣南二十里兔窩嶺水所經縣志

通濟橋 在縣南三十里衆山暴水所經縣志



虎溪橋 在縣城北門外虎頭山下縣志 虎頭山泉水所經萬曆十八

年知縣屠以欽重修縣志

白水縣

彭衙堡 在縣東北六十里賈志 杜甫詩夜深彭衙道月照白水山元

和志春秋秦晉戰於彭衙是也寰宇記彭衙故城在白水縣東北

六十里杜詩錢謙益註 明正德七年雒川妖賊邵進祿等由黃龍山進據

白水彭衙堡兵備張禴討走之縣志

馮雷鎮 在縣東十里縣志

西故鎮 在縣東二十里縣志

南河鎮 在縣南五里縣志

雷村鎮 在縣東南三十里縣志

新村鎮 在縣東南五十里舊名新民堡縣志



新塢鎮

在縣西北三十里

縣志

鐵牛鎮

在縣西北四十里

縣志

雷衙鎮

在縣東北二十里

縣志

武莊鎮

在縣東北六十里

縣志

孔走鎮

在縣東北六十里交澄城界

縣志

附縣境  
古關隘

暗門關在縣北今廢

縣志

○秦山堡在縣西北五十里今廢

縣志

冊北出鄜延必由之路路甚穿狹嘉靖十一年設巡檢司今裁

縣志

東陽橋

在縣東五里跨東陽溝上

縣志

漆水橋

在縣南五里跨白水上洄設潦撤俗訛白水爲漆水故名

縣志。按圖  
在南河鎮南

平政橋

在縣東三里跨白水上知縣莊鑄建

縣志

聖女橋

在縣東南三十里相傳三神女一夜成之今有廟存

縣志



張家船 在縣東北三十里洛水上通洛川縣志

麻地灣渡 在縣東北三十里洛水上縣志

馬家船 在縣東北三十里洛水上通洛川縣志

齊家筏 在縣東三十五里縣志

附縣境懷溝船在縣東三十里今廢縣志

乾州

大橫關 在州西北五十里有關頭鎮或以為即古大橫關州志好時

有大橫關唐書地理志

何家堡 在州東南四十里州志

姜村堡 在州南四十里州志

陽洪鎮 在州東三十里州志

薛祿鎮 在州東南四十里俗傳薛仁貴食采於此蓋傳訛也州志奉



天縣有薛祿鎮

宋敏求長安志

臨平鎮

在州西四十里

州志

有臨平觀基在好時縣東南七里

宋敏求長

安志

陸陌鎮

在州東北十五里

州志

東通醴泉北通三邊商旅所必經

州志

馮市鎮

在州東北三十五里

州志

東通醴泉北通永壽為商旅走集

之所

州志

青龍橋

在州東三里青龍村

州志

甘泉橋

在州東三十里甘峪河上

州志

雲橋

在州南門外

州圖

宋廷佐云此本非橋係朱泚築以攻城之具

渾瑊掘隧陷賊之所舊志則載唐開元八年置德宗夜度此橋脫

朱泚之亂渾瑊大戰即此現今有橋存在州城南門外

縣志○按唐書渾瑊

傳泚造雲梁廣數十丈施以攻城瑊掘隧燃火雲梁及隧而陷李

商隱詩雲橋逼禁營注雲橋即雲梯應是木器故云賊乘風推梁



以進及風反焚賊固不得指梁為橋亦非築土攻城也從舊志戰於橋所為是

望隴橋 在州治西門外州志

九龍橋 在州西北三十里柳召村州志

草店橋 在州西北三十五里大羊里北州志

龍栢橋 在州西北四十里近臨平鎮州志跨武定河州志

夾道橋 在州西二十里馬志跨武定河州志

麻溝橋 在州治北門外州志

附縣境石橋在州城內北街地名橋子口桑道茂築城即築橋以

古橋象形龜鼈今遺址猶存其石旁落殆盡州志○馬溝橋在州北四十

里西安府志

武功縣

長寧鎮 在縣東四十五里縣志武亭長寧鎮金史地理志○按武亭即武功縣大定二十九



年以嫌顯  
宗諱更名

普集鎮

在縣東南四十里會同里

縣圖

薛固鎮

在縣東南六十里

縣冊

大莊鎮

在縣南二十里永豐里

縣冊

楊陵鎮

在縣南十五里

縣冊

永安鎮

在縣西南二十五里永安里

縣冊

魏公鎮

在縣北二十里

縣冊

遊鳳鎮

在縣北二十里具奉里

縣圖

武水橋

在縣東一里跨漆水上冬築橋水漲則撤

馬志

永壽縣

常寧鎮

在縣東六十里

縣冊

永壽有常寧寨

金史地理志

蒿店鎮

在縣南十五里往來要道明設遞運所兼治大使雍正六



年裁縣圖

監軍庄 在縣南四十里衝地縣冊

義井鎮 在縣西南七十里縣冊

底窖鎮 在縣北三十里道出邠州明亦置遞運所於此今廢州志

附縣境古關隘莫營關在縣西南後魏置寰宇記永壽有後魏莫營關在縣

西南通典穆陵關在縣南四里宋嘉祐四年置今廢有韓桐讀書

洞賈志○按地圖縣有麻亭寨九域志

土橋 在縣東南五十里安家營縣冊醴泉南過橋泄澗下縣志

邠州

水北堡 在州東十里州冊

水簾東西堡 在州西十里州冊

大佛寺堡 在州西十里州冊



史店鎮

在州東三十里

州冊

大峪鎮

在州東南三十里高處山嶺勢極險要有堡

州志

高渠鎮

在州西北十五里

州冊

白驥鎮

在州西北五十里

州冊

新平縣有白驥鎮

九域志

今名白吉鎮

州志

永樂鎮

在州北八十里

州冊

附州境古隘

胡空堡在州南

舊志

晉太元十二年苻登自瓦亭進據胡空

堡戎夏歸之者十餘萬

十六國春秋

秦屯騎校尉胡空所築堡也

通鑑胡注

○按晉書苻堅將胡空徐嵩各築堡自固姚方成攻陷徐嵩堡嵩被殺登下隴救之留軍於胡空堡二堡應相去不遠

○乾

興寨在州南一里每三月涇岸桃開自寨望之如錦今廢

州冊

邱堡在新平縣

即今邠州

西十八里東西南三面石坡峻峭高十丈北

面築城高二丈武德二年置貞觀元年廢

元和志



廣濟橋

在州東門外南河上即皇澗州志橋名廣濟久圯民病於涉

嘉靖三十二年始捐金聚粟伐木取石築橋高一丈七尺濶一丈

三尺長七十五尺欄各九楹小墻四堵木椿一根石獸一雙扁曰

皇澗橋以明古蹟之有存焉

知州萬化修橋記

千金橋

在州西門外洪龍河即過澗

州志

高渠渡

在州西北二十里高渠舖涇河上通環慶寧夏等路船二

隻水夫二十名夏秋用船冬架木覆薪築土爲橋初二渡多因橋

派累嘉靖二十五年知州姚本詳革私派立法爲例

州志

河北渡

在州北一里

西安府志

涇水上有官船

冊州

飲馬渡

在州城東涇水便道

州志

水北渡

在州東五里水北舖涇河上通三原涇陽榆林等路船二

隻水夫十名

州志



景村渡

在州東十里景村涇水上

州志

斷涇渡

在州東三十里斷涇村涇水上

州志

黑水河渡

在州西四十里黑水河上通平涼固原甘肅諸路無大

風浪不設船隻水夫五名冬搭橋春拆收以備冬用

州志

三水縣

石門關

在縣東六十里石門山

賈志

秦獻公二十一年與晉戰於石

門正義曰括地志曰堯門山俗名石門在雍州三原縣西北上有

路其狀如門

史記秦本紀註

兩山夾立勢極高峻為西北要害亦名堯門

漢更名石關為邠之鎮以漢武於此立關而名也

州志

關外為耀州

淳化宜君同官四州縣交錯之地明置石門關斃石為城設巡司

又於嶺上築岸門重關之險今巡司裁雍正元年設把總汛

縣冊

堡嶺

在縣東三十里即漢之左谷後秦姚襄築三百六十寨堡嶺



其一也有泉自絕頂流下徑達堡中昔元人據堡巔汲飲不斷者賴此又嶺右有中嶺其麓有官家桑村二洞宋元明民多避烽其

中

縣志

雙槐堡 在縣西五十步四面懸崖碧流東繞下有古槐一根二幹

故名上有平地二頃舊志載元末張思道李思齊據此明季寇熾知縣高知築城豎橋分立縣治倉庫於內順治七年知縣王儒復

請修葺康熙乙卯丙辰間知縣林逢泰復同堡衆繕修憑高阻深

與縣城相犄角

縣志

今西門外開便門以通兩城往來基尚存

賈志

隴川堡 在縣北十五里

縣志

半川之後四面壁立溪澗環繞隋大業

時縣嘗治此

縣志

半川府 在縣北十五里地當九原九陞之中故曰半川以屯府兵

唐太宗關中設府兵二百六十一屯此其一也

縣志



土橋鎮

在縣南四十里有城當古公原之衝

縣志

土橋鼎峙於古公

原以屏其南

文倬天形勢論

張洪鎮

在縣西二十里

縣冊

其西有細腰以抵水滸之衝設鎮以張

洪

文倬天形勢論

有城周二里三分

縣志

太羽鎮

在縣北二十里有城周二里三分

縣志

原陜之半有太羽以

中控之

文倬天形勢論

底廟鎮

在縣北五十里有城周二里三分

縣志

其北赤坂以樹密姑

之障設鎮以底廟

文倬天形勢論

職田鎮

在縣東北三十里唐廣德初三水縣嘗治此鎮城周三里

相傳尉遲敬德務農處廟址存焉

縣志

溥原之東有細弦以扼分水

嶺之吭設鎮以職田

文倬天形勢論

附縣境古隘

龍泉鎮在縣東北十五里今廢

縣冊

唐乾寧二年李克用攻



行瑜於梨園寨李茂貞遣兵屯龍泉鎮唐書王邠州三水縣有龍

泉鎮在州東北九域志○按金史地理志三

水有清泉鎮疑即龍泉鎮

大橋在東門外東澗河上縣志橋久圯土人夾溪築小橋以便往來

其小橋數十武亦崩壞知縣林逢泰重修縣志

泃水橋在縣南門外冬月架木為梁民不病涉縣志

土橋在縣南四十里土橋鎮跨姜嫄河縣志

杜家橋在西溪橋之西二里知縣楊豫建馬志跨溫涼河縣志

赤道橋在杜家橋之西五里州志

細腰橋在縣西四十里縣圖跨梁渠溝上接本州界長二十餘丈平

接兩岸故名縣志

便橋在縣西北便門外連西城通雙槐堡明末知縣高知建後圯

康熙乙卯知縣林逢泰重修亦謂之綿橋甃石架木上設堞牆以



為防守

縣志

暗橋

在縣北三十里跨支唐川上兩旁懸崖中通道路嘉靖二十

七年副使周洪範建鐵門一重上覆屋三間險固可守

州志

附縣境

古橋 西溪橋在迎恩門外府志跨西溪河上成化間知縣楊豫建

今圯

馬志○聚珍橋在縣西志岐門外跨西溪水上萬曆間知縣秦

渠建今圯基址存

縣志

淳化縣

大店鎮

在縣東南十里

縣冊

石橋鎮

在縣東南二十五里

縣冊

辛店鎮

在縣西五里

縣冊

通潤鎮

在縣西二十里

縣冊

姜嫄鎮

在縣西四十里

縣冊



附縣境古隘金源堡在縣西四十里水中四面陡絕上有洞窟數十蓋

昔人避兵之所賈志○常實鎮在縣東三十里今廢縣志○梨園鎮在

金龜鄉宋敏求長安志梨園寨車箱坂下有梨園武帝所築大一頃樹梨

數百株王褒雲陽宮記唐乾寧二年李克用進軍渭橋遣李存信等攻王

行瑜梨園寨在京兆雲陽縣通鑑胡注○按梨園寨即梨園鎮○永安鎮在縣東

六十里即杜寨義柵所也賈志梁大通元年魏蕭寶寅亂關右毛遐

鴻賓率氏羗起兵於馬祗柵以拒之通鑑唐貞元間碑載此地乃作

鎮處杜寨則義柵所也亦名鴻賓柵按地圖記孝武帝永熙元年

於柵置永安鎮馬志

石橋在縣東南二十五里明季王處士修建有碑記縣志

聖人橋在縣東南二十八里跨米倉溝入治峪河處相傳漢武帝

遊甘泉時故道因名賈志明嘉靖乙丑邑人羅廷繡等重修延袤百



尺崇半之改名聖濟橋

縣志

賽翁橋

在縣東南三十四里聖人橋之南昔有人既修聖人橋其

媳捐貲復修此橋因名賽翁

縣志

廣濟橋

在縣北門外乾溝河上順治十五年重建知縣扈標記

縣志

永安橋

在縣北門外里許有澗當衝衢舊有橋相傳漢昭帝時築

以通雲陵明宣德中知縣邢清修復又廢嘉靖甲辰邑耆羅福田

重修下濶十一丈上濶二丈自萬曆後久廢康熙四十年知縣張

如錦捐俸率衆重建仍名永安有記

縣志

長武縣

冉店鎮

在縣東二十里東至邠州六十里有關城其地道路四達

深溝巨壑中道僅容一車嘗爲盜衝明弘治十七年總制楊一清

移宜祿鎮巡司於此後又徙於審店

州志



停口鎮 在縣東四十里連本州界鎮有橋舊設木橋秋建夏去後

改建石橋今廢縣志宜祿有亭口鎮金史地

公濟橋 在縣東門外縣志

涇水橋 在縣西北十五里縣志

黑水渡 在縣東四十里黑水河西安府志額募水夫十二名縣志

鄜州

直羅關 在州西北一百里隋崔仲方所築西接環慶地方州志武德

六年置直羅關唐書地理志唐太宗征突厥所開有直羅關元設巡檢

司明因之賈志今巡司裁州志因故直羅城為名西南通子午嶺西北

通保安凡二百里皆深谷峻嶺為一方險要州志

交道鎮 在州東二十里州志

屯磨鎮 在州南五十里州志



張村鎮

在州西七十里通直羅道州志

隆益鎮

在州西一百三十里州志通慶陽路州志

牛武鎮

在州東北四十里漢董翳遣步將築城練兵蕃牛數千以

備戰故名

延安府志

附縣境古隘

三川鎮在州南七十里

州志

唐為三川縣以華池水黑水洛

水所會為名宋因之金為三川鎮元為巡檢司今改三川驛賈志

赤城鎮在州西

延安府志

直羅縣有赤城鎮

九域志

榆林橋

在州北五里洛河渡口

延安府志

故州橋

在州城東門外跨洛水

州志

南石橋

在州南五里

州志

宋公橋

在州南七里

州志

張村橋

在州西七十里張村鎮

州志



寺谷橋 在州西五十里州志

三川橋 在州南七十里三川鎮州志

黨海橋 在州西南五十里州志

永濟橋 在州北十五里州志

維川縣

三郎要險 在縣東一百里縣冊

白城鎮 在縣東五十里縣冊

甘石鎮 在縣東六十里縣冊

石堡鎮 在縣東一百二十里交韓城界縣冊

煖泉鎮 在縣東一百二十里城周二里五分縣冊

黃蓮鎮 在縣東南六十里縣冊

吳庄鎮 在縣東南一百里縣冊



梁原鎮

在縣東南一百二十里

縣志

黃龍鎮

在縣東南一百三十里黃龍山

縣志

明初置廊城巡司後移

於此嘉靖十八年移韓城紫金關於堡內縣志

周二里五分高二丈八尺池深一丈東西南門三城樓四後裁巡

司設捕盜同知劉顯第甃雉堞自爲記二十四年同知許恒齡重

修有防兵

縣志

樂生鎮

在縣南十里

延安府志

永鄉鎮

在縣南二十五里

縣志

仙宮鎮

在縣南四十里

縣志

興平鎮

在縣南五十里

縣志

槐栢鎮

在縣南五十里

縣志

城周三里八分

縣志

化石鎮

在縣南六十里

縣志



土基鎮

在縣南七十里

延安府志

百益鎮

在縣南九十里

縣志

城周三里五分

縣志

朱龍鎮

在縣南一百里今名朱牛

縣志

化庄鎮

在縣南一百一十里

縣志

漢寨鎮

在縣西南二十里

縣志

鳳棲鎮

在縣西南四十里

縣志

城周三里九分

縣志

進浩鎮

在縣西南八十里城周三里三分

縣志

進蒙鎮

在縣西十里

縣志

廟西鎮

在縣西二十里

縣志

菩提鎮

在縣北四十里城周三里四分

縣志

開撫鎮

在縣北五十里開撫川城周四里三分

縣志

附縣境古隘

蘇線嶺堡在縣東南一百三十里

縣志

明萬曆初添築設兵



戍守以通韓城驛路○赤鴈營在縣南九十里秦將楊班立陣之

地因赤鴈落營故名延安府志○韋津鎮在縣南一百一十里○石泉

鎮在縣北二十里縣志○縣有潘三鎮寺前鎮攔虎鎮京兆鎮安寧

鎮華莊鎮姚學鎮分界鎮縣志以上營堡鎮今俱廢縣志

廟西橋 在縣西南四十里漢高祖廟西溝深難行明嘉靖間有道

士闢路修橋今為坦途縣志

石家莊橋 在縣西南五十里縣志兩岸懸崖百仞中為小橋僅可徒

行鄉民王文義捐粟百石修築今可通車縣志

西三里橋 在縣西三里兩岸臨谷架梁為渡有警則撤為險要處

縣志

北三里橋 在縣北三里縣志

新家橋 在縣東北十五里縣志



中部縣

葡萄寨 在縣北五十里縣圖

北谷鎮 在縣東四十里縣冊

保安鎮 在縣西一百三十里縣冊

孟家鎮 在縣西一百五十里縣冊

蘆保鎮 在縣西一百七十里縣圖

龍坊鎮 在縣西北四十里縣冊唐牧廐所也廣原奇勝人物曼麗北

瞻廊延南通被祠東接河洛西控朔方蓋上郡第一鎮云劉儒龍坊鎮市

會記

附縣境 小山寨在縣西六里今廢縣冊杏城鎮在縣東七里賈志晉升

古隘 平元年姚襄將圖關中自北屈進屯杏城晉書姚襄載記姚襄置杏城鎮

在坊州西四十里通典據晉書杏城鎮在北地通鑑胡注○雙柳鎮在縣



西五十里

今廢延安府志

宜君縣

石堡

在縣東七十里平原廣阜雉堞巍然昔嘗置官署

延安府志

五里鎮

在縣東七十里

延安府志

雷遠鎮

在縣東八十里一名雷原有防兵

延安府志

哭泉鎮

在縣東南三十里

延安府志

馬欄鎮

在縣西南一百二十里通慶陽界有防兵

延安府志

慶曆二年

元昊大舉入寇珣會葛懷敏於瓦亭懷敏西至馬欄城珣謂懷敏

依馬欄城布柵以扼其路

宋史趙珣傳

石梯鎮

在縣西一百二十里

延安府志

偏橋鎮

在縣北三十里

延安府志

七里鎮

在縣北七十里一名杏頭鎮

延安府志



附縣境古隘昇平鎮在縣西北三十五里馬志縣有昇平北拓三鎮九城志

熙寧元年省昇平縣為鎮宋史地理志○王華鎮在宜君金史地理志

偏橋 在縣北三十里延安府志

綏德州

義合砦 在州東六十里州冊本夏人砦元豐四年收復東至晉寧軍

六十里西至綏德軍四十里南至順安驛六十里北至暖泉砦八

十里宋史地理志綏德有義合寨金史地理志

開光堡 在州北四十里即開光鋪州冊宋熙寧四年諤遣都監趙璞

築撫寧故城及分荒堆三泉吐渾川開光嶺葭蘆川四砦宋史諤傳

紹聖四年修築元符元年賜名東至暖泉砦六十里西至克戎砦

五十里南至綏德軍三十里北至米脂砦三十里地理志綏德州堡

一開光金史地理志



附縣境

古關隘 欄馬關在州西十里宋元符中賜名延安府志○李廣砦在州

東無定河東岡舊傳漢李廣屯兵於此馬志○臨夏寨在州西九十

里馬志地名囉巖谷嶺元符元年築城賜今名東至克戎砦三十里

西至威戎城四十里南至綏平寨六十里北至界墩八十一里宋史

地理志綏德有臨夏寨金史地志○土門砦在州西二百五十里○克

戎寨在州西北六十里接米脂縣界馬志宋嘉定十四年元木華黎

入葭州以石天應守葭自將兵攻綏德破馬欄克戎兩寨通鑑本夏

人細浮圖砦元豐四年收復元祐四年給賜夏人紹聖四年收復

南至懷寧寨六十里北至鎮邊砦六十里東至綏德軍六十里西

至臨夏寨三十里宋史地志綏德有克戎寨金史地志○綏德有鎮邊

寨金史地志

無定河橋渡 在州城東南一里州志秋設橋夏則撤有官渡船州志



大理河橋渡 在州南城外秋設橋夏則撤有官渡船州志宋治平四

年諤復綏州夜渡大理河宋史种周美率眾由廳子部西濟大理

河周美傳

### 米脂縣

葫蘆堡 在縣西四十里明直志

附縣境銀州關在縣西九十里上有古城明一統志宋元豐五年諤上

言橫山延袤千里其城壘皆控險足以守禦興功當自銀州始宋史

种諤傳關在縣西少北亦曰銀城關明成化七年余子俊言延綏有

銀城關等城並宋時防守夏人所築山勢險阻水泉便近宜以漸

修補明紀事本末今關廢基址存縣志○暖泉寨在縣東四十里明一統志元

符二年築廊延河東路暖泉砦宋史哲宗本紀東至河東烏龍砦二十里

西至米脂寨四十五里南至義合寨八十里北至靖邊寨四十里



地理志

綏德有暖泉寨

金史地理志

○龍泉寨在縣南

舊志

宣和二年改名

通泉尋復故東至清邊砦二十里西至鎮邊砦四十里南至嗣武

城二十里北至中山堡八里

宋史地理志

金廢縣

○銀川砦在縣西六

十里米脂川之西宥川之東二面重岡峻嶺路僅通車馬中無井

泉城連無定河浸漬之餘以給食即永樂城

賈志

宋元豐五年徐禧

言銀州不如永樂之形勢扼險遂城永樂十四日而成种諤極言

夏人必爭尋陷沒

宋史徐禧傳

即永樂小川築新城距故銀州二十五

里前據銀州大川賜名銀川砦旋被西人所陷崇寧四年收復仍

為銀州五年廢為銀川城

地理志

○清邊寨在縣西北

舊志

元豐七年

夏人寇清邊涇原將彭孫敗死之

宋史神宗本紀

東至河東界五十里西

至龍泉砦二十里南至暖泉砦七十里北至生界砦七十里

地理志

綏德有清邊寨

金史地理志

金因之元廢縣

縣志

○靖邊寨在縣西北

舊志

東



至龍泉砦四十里西至大垂坑二十五里南至克戎城六十五里

北至生界墩二十五里宋史地理志金田之元廢縣志○嗣武砦在縣西

北四十里明一統志舊羅巖城元豐四年置尋廢崇寧三年修復賜名

東至清邊砦二十里西至鎮邊砦二十里南至米脂砦二十里北

至龍泉砦二十里宋史地理志綏德城一嗣武金史地理志

舖戶橋 在縣南五里縣志跨米脂水縣志

飲馬石橋 在縣城北門外縣志路達葭州知縣張禹謨重修縣志跨飲

馬河縣志

無定河木橋 在縣西十里知縣甯養氣建縣志

清澗縣

老鴉關 在縣東一百二十里黃河濱通山西石樓縣界縣志

馬灰坪關 在縣東北一百五十里縣志



界首關

在縣東北二百里

縣志

清澗砦

在縣東北十里東控黃河西岸本隋綏平縣地名清澗川

宋慶曆中築

馬志

後山砦

在縣東北山上今縣東二十里有石城即唐初置寬州城

也縣志云即今後山砦

延安府志

在綏州之廢城平縣內

名勝志

順安砦

在縣東北八十里

延安府志

延州延川縣舊砦元符二年廢後

復置

宋史地理志

延川有順安白草永平三砦

九域志

宋初建南安砦康

定中棄之慶曆中修復改今名

馬志

白草砦

在縣東北一百餘里黃河岸側內有新井宋嘉祐中白草

砦主康惟幾鑿正德間邊患急知縣趙輅恐井不足用更鑿一井

引東河水自城下穿入

延安府志

延州延川縣舊砦元符二年廢後復

置

宋史地理志

清澗有白草寨

金史地理志

東扼黃河伏落關路北控綏德



州鐵茄坪定仙嶺滿堂川三路最爲要害之地馬志

石蝦墓砦 在縣北三十里馬志

新關石堡 在縣東一百二十七里縣志

營田堡 在縣南三十里种世衡營田處馬志

寧川堡 在縣西三十里一名柳家坪大川平坦路通安定縣志

石嘴空堡 在縣北七十里民屯雜居通綏德路縣志

田家堡 在縣北一百里民屯雜居路通綏德以上三堡俱嘉靖中

城堡道張愚建議築縣志

觀音石堡 在縣東北八十里無定河西岸有湧泉開石溝爲濠鄉

民多避寇於此縣志

附縣境魏平關在城平縣即今清澗西南唐書地理志唐關內三十一關有

延之魏平王海○永平砦在縣西南七十里東控永平川路馬志宋康



定元年元昊破安遠塞門永平諸砦乘勢至延州城下通鑑范仲淹

請修承平永平等砦招還流亡定堡障通斥堠城十二砦於是羗

漢之民相踵歸業宋史范仲淹傳○按宋清澗城與延川縣接壤清澗城屬綏德州順安白草永平三砦宋屬延

川今在清澗縣界○綏平砦在縣西一百里明一統志延州延川縣舊砦東至

懷寧砦四十里南至黑水堡四十里西至丹頭驛四十里北至臨

夏砦六十里宋史地理志清澗有綏平寨金史地理志宋慶曆中置李顯忠

破紅巾寇乞郎羅義於此延安府志即隋平城縣地宋天聖中改永平

後廢慶曆中修復改綏平元廢馬志○懷寧砦在縣北九十里接橫

山一帶故長寧砦也宋慶曆中賜名懷寧金置第四將營馬志延州

延川縣舊砦東至綏德軍四十里西至綏平砦四十里南至清澗

城七十里北至克戎砦六十里宋史地理志清澗有懷寧寨金史地理志元

廢明一統志



龍門橋 在縣東六十里縣志

遇仙橋 在縣東八十里縣志

西大橋 在縣西南一里縣圖

小橋 在縣城南門外三十步縣志 秋冬架木為橋縣志

大橋 在縣南一里縣志

永興橋 在縣南二十里縣志

南天橋 在縣南三十里縣志

界首關渡 在縣東北二百里通山西寧鄉縣志

馬灰坪關渡 在縣東北一百五十里通山西石樓縣志

新關渡 在縣東一百二十里通山西石樓縣志

老鴉關渡 在縣東一百二十里老鴉關通山西石樓縣志 即种世衡

城清澗致河東之粟處隄址猶存縣志



崖頭渡

在縣東一百一十里通山西石樓縣

縣志

葭州

桃花關

在州東城外今名桃圪下臨黃河

州志

建安關

在建安堡南開光川境之南

延綏鎮志

七山兒堡

在州西一百四十里

延安府志

三眼泉堡

在州西二百里

州志

建安堡

在州北一百五十里北至大邊五里東至高家堡四十里

西至雙山堡五十里地名崖寺子

延綏鎮志

明成化十年巡撫余子俊

增置城在山畔周二里一百七十二步樓舖十五座係極衝上地

萬曆三十五年巡撫涂宗濬用甃包砌邊垣長二十里八十一步

墩臺

二十三座有分防守備

延安府志

宅門塢堡

在州北一百五十里

州志



高家堡 在州北一百六十里北至大邊三里東至栢林堡四十里

西至建安堡四十里地名飛鴉川延川鎮志明正統四年巡撫陳鑑建

成化中巡撫余子俊展修城在平川周三里二十九步樓鋪十五

座係極衝上地萬曆三十五年巡撫涂宗濬用甃包砌邊垣長四

十二里二百三十八步墩臺四十四座有分防守備延安府志

謝家梁堡 在州北一百八十里州志

石墮梁界堡 在州北二百里州志

附州境烏龍砦在州西南五十里烏龍河州志元符二年築鄜延河

東路烏龍砦賜名宋史哲宗本紀東至神泉砦二十五里南至暖泉砦二

十里西至暖泉砦三十里北至女萌烽一十七里宋史地理志永作唐

安二堡隸烏龍寨元一統志○神泉砦在州西十五里下即神泉也上

有古城一座州志在廢葭蘆砦北元符元年賜名東至晉寧軍一十



五里西至福作嶺界墩五十里南至烏龍砦二十五里北至通秦

砦四十里

宋史地理志

○寧河砦在州北七十里車兒會溝宋設把截

道路巡檢一員於砦碑記云隋初年建宋高宗時砦陞晉寧軍寧

河砦與諸砦並隸焉今名寨溝

州志

地名窟薛嶺元符二年賜名東

至黃河三十里西至尹遇谷十三里南至通秦堡十七里北至章

堡二十五里

宋史地理志

○彌川砦在州北一百一十里花石崖北

州志

地名彌勒川元符二年賜名東至黃河六十里西至砦浪骨堆界

墩七十里南至彌川堡十五里北至麟州太和砦三十里

宋史地理志

○通秦砦在州西北五十里岔道鋪西葭蘆河東

州志

地名昇囉嶺

元符二年賜今名東至黃河二十九里南至神泉砦四十二里西

至女萌骨堆界墩五十里北至通秦堡二十七里

宋史地理志

元畢浩

以義兵屯葭州通秦寨即此今誤名通心砦前代為蕃漢互市地



州通安晉安堡隸通秦砦元一統志○葭蘆寨在州北十里有萬曆年

所鑄古葭蘆寨四字石扁州志○三交堡地名三交川嶺元符元年

築賜宋史地理志○寧河堡在州北六十里地名哥崖嶺延安府志元符

二年同砦賜名宋史地理志○彌川堡在州北地名小紅崖元符二年

同砦賜名東至黃河四十里西至祖平四十里南至寧河崖十五

里北至秦平堡十里宋史地理志○靖川堡在州北東至黃河三十里

南至寧河砦十四里西至界首立子谷四十五里北至彌川堡十

三里宋史地理志○通秦堡在州北七十七里州志地名精移堡元符二

年同砦賜名東至黃河十七里一百二十步南至通秦砦二十七

里西至龍移川界堠五十里北至寧河砦十一里宋史地理志○當川

堡在州西四十里烏龍舖韓家塢西北州志宋元豐初夏人二萬犯

當川堡永能以千人與遇依險設疑敵解去宋史高永能傳○濟川堡在



州北一百里薛家會西山上有碑記鐫其名禿尾河和市場三角城在其西北蓋古重鎮也州志

葭蘆上橋 在州西故城下三里延安府志上眺危峰下瞰深溝鳥道百

尺亦曰西板橋賈志

葭蘆下橋 在州南故城下五里延安府志上下二橋及寺子川橋皆冬

架夏撤州志

虎頭峁橋 在州北一百里開光川東邊地禿尾河通京要路州志

寺子川橋 在州北一百二十里邊地禿尾河通省要路延安府志

西寺子圪橋 在州北一百七十里高家堡城西邊地禿尾河通京

要路州志

西關魚渡 在州東北九十里黃河上通山西興縣州志

寧河溝渡 在州東北四十里黃河上通山西臨縣興縣州志



大會坪渡 在州東北二十里黃河上通山西臨縣州志

本關渡 在州城東腰門下黃河上名水門隄通山西臨縣州志

桃花關渡 在州東門外黃河上通山西臨縣縣志

浮圖峪渡 在州南四十里黃河上通山西臨縣縣志

關口渡 在州南七十里黃河上通山西臨縣縣志

荷葉坪渡 在州南八十里黃河上通山西臨縣縣志

螳螂峪渡 在州南一百里黃河上通山西臨縣州志

吳堡縣

水寨 在縣東黃河西岸遺址尚在縣志

高原寨 在縣西四十里馬家原溝南州志

虎頭寨 在縣北七十里東臨黃河石崖三級天險也為鄉民避兵

之所縣志



誤兒寨

在縣東北與胡崖寨對峙相距十里相傳父子分守約敵

至互救鳴金為號一日子戲伐金父知戲乃還數日敵至子伐金

父不應遂陷遺址猶存

州志

胡崖寨

在縣東北六十里下臨黃河邊防要地宋時設守

縣志

清水溝橋

在縣西二十里黃河水濁此獨清

賈志

川口渡

在縣北七十里

縣圖

與葭州分界原係古渡康熙二十六年

知縣陳昌國申請開設

縣志

橫溝村渡

在縣東北二十五里

縣圖

康熙二十四年知縣張文達申

請開設

縣志

李家溝渡

在縣北二十里始移渡於城東後仍申請開設

縣志

城東渡

在縣城東南係李家溝渡萬曆間知縣盧文鴻請移於城

東下渡

縣志



宋家川渡

在縣城東南隅

縣圖

楊家店渡

在縣東崇禎六年以西河驛迂遠後移於此造船渡送

官使船隨驛設舊矣

縣志

官菜園渡

在縣西南二十里黃河西岸通山西路

賈志

明初有西河

驛設於此後徙於瓦舍峪民苦道迂萬曆三十九年知縣盧文鴻

申復崇禎四年造船

縣志

神木縣

吳兒堡寨

在縣西南五十里夏赫連勃勃破義真於長安虜其人

築此以居之因名

明一統志

宋徙治吳兒堡寨

元史地理志

靜菴寨

在縣東南一百里唐建

州志

張巴兒崖寨

在縣南十里西山上俗傳為張騫別業

縣志

剩人崖寨

在縣南五十里相傳金亂於此避兵因名

縣志



骨朵堡

在縣東南十五里

縣志

當夜堡

在縣東南九十里

縣志

石山子堡

在縣東南一百二十里

縣志

栢林堡

在縣西南六十里

縣志

南至黃河一百二十里北至大邊二

里西至高家堡四十里其地產栢故名

延綏鎮志

明正統四年巡撫盧

祥置城在山原周二里一十二步高一丈九尺南北門二樓鋪八

座係極衝下地萬曆三十五年巡撫涂宗濬用甃包砌邊垣長四

十三里一十六步墩臺三十六座有分防守備

延安府志

大栢油堡

在縣西三十里南至黃河一百二十里北至大邊二里

西至栢林堡三十里其地產栢多油故名

延綏鎮志

明弘治初置城在

山上周二里九十二步高二丈西南北門三樓鋪十二座係極衝

下地萬曆三十五年巡撫涂宗濬用甃包砌邊垣長四十三里一



十六步墩臺二十六座有分防守備

延安府志

吳家石堡 在縣北十二里

縣志

永興堡 在縣東北六十里

縣志

南至黃河九十里北至大邊十三里

東至鎮羗堡三十里城名黑城兒

延綏鎮志

明成化中巡撫余子俊遣

鎮羗指揮宋祥建城在山上周二里二十五步東南門二樓舖八

座東南北俱有深溝西面峻坡繞大河係次衝中地萬曆三十五

年巡撫涂宗濬用甃包砌邊垣長六十二里八十六步墩臺三十

九座有分防守備

延安府志

附縣境合河關在縣東黃河上

縣志

麟州東一百二十里黃河上有

合水關

元和志

開元九年王晙計蘭州叛蕃康待賓詔張說相聞經

畧時党項亦連兵攻銀城說將步騎萬人出合河關掩擊破之

唐書

張說傳嵐州合河縣北有合河關宋白曰合河縣城下有蔚汾水西



與黃河合故曰合河

通鑑胡注

合河關在府州南二百里

趙珣聚米圖經

唐合

河關在銀城北為河外直道自折氏世有府谷即大河通保德以

便府人而故關路廢

元一統志

彥博為河東轉運使鄜州餉道回遠銀

城河外有唐時故道廢弗治遂通治之州有積粟可守

宋史文彥博傳

○銀

一城砦在縣東南四十里

縣志

銀城縣有銀城神木建寧三寨肅定神

木通津蘭干四堡

九域志

○神堂寨在縣東南六十里有遺址

縣志

祐四年夏人犯麟州神堂寨出兵討之

宋史哲宗本紀

新秦縣有神堂靜

羗二砦太寧鎮川二堡

九域志

○太和砦在縣西南九十里

馬志地名

太和谷元符二年進築賜名東至神木砦五十五里南至彌川砦

三十里西至饒咩浪界墩七十里北至清水谷三十里

宋史地理志

○

又縣境有石堡塢寨王家塔寨訾栢溝寨五十里鋪寨老榆梁寨

天窰澗寨板門嶺寨賀家川寨白雲山寨清小平寨無地峰寨



枝嶺寨酒務會寨神靈要寨

縣志○按舊志縣東有十六寨今皆廢應俱在縣東

○欄干堡

在縣東六十里

延安府志

○太和堡在縣西南五十五里

馬志

地名麻也

熲元符二年進築賜名東至肅定堡二十五里南至清水谷二十

里西至松本晉堆界六十五里北至銀城砦十五里

宋史地理志

○鎮

州堡在縣東六十里唐建○惠寧堡今廢

州志

附邊外古隘

五原寨

按邊境圖在今神木縣北河套內

三十五年除道九原抵雲陽

按漢

五原本秦九原郡地

徐廣曰表曰道九原通甘泉

史記秦始皇本紀注

永平八年以中

郎將吳棠行度遠將軍將黎陽虎牙營士屯五原曼栢永和十三

年徙朔方治五原永元五年單于安國別居五原界

後漢書南匈奴傳

河

水東經九原縣故城南九原縣西北接五原縣故城王莽填河亭

也其城南面長河北背連山

水經注

勝州榆林縣西有漢五原城

通典

○光祿寨

按邊境圖在今神木縣東北河套內

太初三年使光祿勳徐自爲出五原



寨正義曰即五原郡榆林寨也

史記匈奴傳註

河水北出石門障西北趨

光祿城即徐自為所築

水經注

光祿寨在銀城縣北

通典

○連谷堡

按邊

境圖在今神木縣北

在唐麟州北十里

縣志○按即隋連谷鎮

頁沙梁

在縣北永興堡西係虜衝

延綏鎮志

走馬梁

在永興堡南虜多由此入寇

延綏鎮志

府谷縣

清水營

在縣東北六十里東至黃甫川十里西至木瓜園三十里

北至大邊二十里設把總一員防守

縣冊

明成化二年邊備尚書王

復奏以府谷堡移出芭州舊城三年巡撫盧祥言芭州水泉枯涸

別有地名清水川正當衝要頗有水泉可立城堡宜更徙築

明世宗法錄

嘉靖間賊犯清水營巡撫王越使遊擊劉寧敗之於塔兒山

名山藏

城在山坡周三里有八步高一丈八尺東南門二樓鋪十九座係



次衝中地萬曆三十五年巡撫涂宗濬增修關城砌以甃邊垣長

三十里墩臺三十二座有分防把總延安府志清水川自西北大漠來

邊方士馬賴以汲飲設營因以爲名縣志

黃甫川堡 在縣東北七十里東至黃河二十里西至清水營十里

北至大邊二十里設遊擊一員防守縣志明天順中置弘治中添設

關城周三里二百七十四步高一丈八尺樓鋪十六座西北據山

東南臨川係次衝中地萬曆三十五年巡撫涂宗濬甃以甃邊垣

長三十里二百十一步墩臺二十八座延安府志

孤山堡 在縣西北四十里西至鎮羗堡四十里東至木瓜園四十

里南至黃河四十里山西交界北至大邊四十里設守備一員防

守縣志本孤圪塔馬營明正統二年置在西山成化中移置城在山

畔周三里三十四步高二丈南北門二係次衝上地背山俯川城



中無水泉萬曆三十五年巡撫涂宗濬砌以甃邊垣長三十七里樓舖十四座墩臺五十座有分防守備

延安府志

鎮羌堡

在縣西北八十里東至孤山堡四十里西至永興堡四十

里

延安府志南至黃河一百二十里山西交界北至邊牆十五里

縣志明

初置在東村成化二年邊備尚書王復奏以東村堡移出高漢嶺

明世法錄

城在山原周二里零係極衝中地樓舖十座萬曆三十五年

砌以甃邊垣長四十五里墩臺二十九座有分防守備

延安府志

木瓜園堡

在縣北五十里東至清水營三十里西南至孤山堡四

十里北至大邊三十里設守備一員防守

縣志

冊即明初木瓜園砦成

化十六年改置堡二十三年展築中城弘治十四年增新城城在

山上周三里二十四步高一丈七尺東西南門三樓舖十七座係

次衝上地萬曆三十五年巡撫涂宗濬甃以甃邊垣長三十三里



墩臺三十二座有分防守備

延安府志

附縣境古關隘

天穴關在鎮羗堡東可守禦

延綏鎮志

○紫地石砦在縣東北

一百里接大漠明永樂中知縣王潤建今廢

延安府志○按卽紫城砦

○建寧

堡在縣西北七十里

舊志

宋康定中亢護賞物送麟府敵趨栢子堡

來邀亢擊敗之乃修建寧等堡夏人數出爭戰於兔毛川敗之

宋史

張亢傳

○寧川堡在縣北

舊志

本府州安豐寨外第九寨元符元年賜

名東至斥堠堡二十里西至豐州寧豐砦四十五里南至安豐砦

界四十里北至清沒怒川界堠一百五十里

宋史地理志

○東勝堡在

縣東北

舊志

宋康定中亢以府州東焦山有石炭穴因築東勝堡下

城傍有蔬畦因築金城堡州北沙阮有水泉因築安定堡

宋史張亢傳

○寧疆堡宣和六年獨移莊嶺建堡賜名寧疆

宋史地理志

○黃甫川

堡東有暖泉砦南有高崖寨西南有栢林峒寨皆古寨也又黃甫



川堡北六十里有樓子營城堞俱存明初始移於河東河曲縣散

其民於賈家窟沱等處

延安府志

附邊外榆林關在榆林縣唐勝州榆林縣東三十里東北臨河秦却匈奴

之處隋置城置榆林關元和志漢枚乘說吳王曰秦北備榆中之關

南距羗笮之塞漢書枚乘傳開皇三年城榆關隋書地理志勝州榆林縣東

有榆林關貞觀十三年置唐書地理志東受降城南直榆關宋白續通典○

河濱關在河濱廢縣東北貞觀七年置元和志河濱縣東北有河濱

關唐書地理志○榆溪塞在榆林縣南輿地廣記武靈王二十年西畧地至

榆中並河以東屬之陰山城河上為塞史記趙世家蒙恬北逐戎人開

榆中地數千里蘇林曰在上郡崔浩曰蒙恬樹榆為塞也史記項羽本紀

注諸次水東經榆林塞世謂之榆林山即漢書所謂榆溪舊塞自

谿西去悉榆林之數矣緣歷沙陵屈龜茲縣西出故謂之廣長榆



也

水經注

榆溪寨即勝州榆林縣南界通典秦有榆關漢有榆溪舊寨

正義曰今榆木塞也在勝州

玉海

○稠陽塞

按邊境圖在今府谷縣北

河水東逕

稠陽縣故城南王莽之固陰也

水經注

惠王十九年築長城塞固陽

史記魏世家

孝公十一年衛鞅圍魏固陽降之

史記秦本紀

永元元年度遼

將軍鄧鴻出稠陽塞

後漢書和帝本紀

天橋峽

在縣東三十里上濶一十二丈五尺中濶七丈下濶八丈

共長九十丈冬月積水成橋因名

縣志

新建石橋

在縣西城下兩峰對峙教諭衛學玠率邑紳李楫等公

建

縣志

濟眾橋

在縣西三十五里倒迴溝上曲徑環繞新建石橋大利轉

運

縣志

黃草橋

在縣西北木瓜堡東南

縣志



聚星橋 在縣北城下邑貢生韓大本捐建縣志

白馬梁 在縣南縣志

歡喜梁 在縣北清水堡西南縣志

唐家匯官渡 在縣東北九十里黃河上係山西河曲縣船戶渡縣志

劉家川官渡 在縣東一里黃河上達山西保德州界每一月內本

縣船戶渡十二日保德船戶渡十八日縣志

盤塘官渡 在縣西南一百餘里黃河上達山西興縣黑谷口由本

縣達山西本縣船戶渡由山西來者與縣船戶渡縣志

附縣境 君子津在河濱縣東一十五步即河濱關渡河處河濶一

里不通船楫元和志 承光二年世祖臨雲中至君子津會天暴寒數

日冰合帥輕騎二萬濟河三年世祖詔執金吾桓貸造浮橋於君

子津十六國春秋 赫連昌傳

學習進士吳傳政編



